

爾

雅

正

義

爾雅正義卷第二

各淵閣校理翰林院編修加二級教習庶吉士充國史館纂修官邵晉涵撰集

苞

無義也

苞叢繁蕪皆豐盛

正義

序卦傳云豐者

大雅曰豐庶雅云豐大也苞者說文引書云艸木漸苞今本四頁作草木漸苞釋文云苞字或作苞商頌

長發云苞有三葉毛傳苞木也鄭箋用爾雅大雅生民鄭箋云豐苞亦茂也是物之稹固而發生茂盛者

為苞也蕪者說文云聚豐也从大冊數之積也林者木之多也冊與庶同意商書曰庶艸繁無今本洪範

作庶草蕃廡晉語云不能蕃廡蕪為隸體增加字廡為假借字也茂者說文云茂艸豐盛周頌良耜云黍稷茂止小雅天保云如松柏之茂是艸木之豐盛皆

為茂也**註**苞叢至豐盛。**正義**釋言云苞稹也孫炎以為物叢生日苞是苞為叢茂也後漢書註引爾雅

云蕃蕪豐也蓋連引註文凡物之苞叢繁蕪者望之

豐滿故其貌爲大也

摯歛屈收戢蒐哀鳩摟聚也

註

禮記曰秋之言摯摯歛

也春獵爲蒐蒐者以其聚人衆也詩曰屈此羣醜原

隰哀矣左傳曰以鳩其民摟猶今言拘摟聚也

正義

云聚會也方言云萃集也東齊曰聚是聚爲萃集也
摯者說文引詩云百祿是摯毛詩商頌長發篇作百
祿是適傳云適聚也釋文云摯郭音適摯音義同
方言云凡歛物而細謂之摯是摯爲聚之多也歛者
說文云歛收也大雅蕩篇歛怨以爲德言其聚衆怨
也荀子非十二子云歛然聖王的文章具焉楊倞註
歛然聚集之貌屈者釋文引韓詩云屈收也收歛得
此衆聚是屈與收歛義同故爲聚也收者周頌維天
之命云我其收之毛傳用爾雅左氏襄四年傳云收
二國之燼凡經傳言收歛者皆爲聚合也戢者周頌

時邁云載戢干戈通作輯舜典云輯五瑞史記作揖
五瑞集解引馬融云揖歛也蒐者成十六年傳云蒐
乘補卒襄二十四年傳云齊社蒐軍實言聚而閱之
也哀者商頌殷武云哀荆之旅是聚之多者爲哀釋
文云哀古字作衰本或作揅案孟氏易君子以揅多
益寡今本謙卦象傳作哀多益寡侯果云哀聚也哀
揅聲之轉也鳩者說文作爲聚也通作鳩堯典云共
工方鳩倂功史記作旁聚布功又通作逮說文引書
作旁逮倂功云逮歛聚也樓者說文云樓曳聚也本
或作婁小雅角弓云式居婁驕鄭箋婁歛也疏引釋
詁云婁歛聚也詩釋文引徐邈云婁鄭音樓爾雅釋
文云本或作樓非禮記至歛也。正義鄉飲酒義
云秋之爲言愁也鄭註愁讀爲孳孳歛也郭氏依鄭
讀兼取鄭義也。春獵至衆也。春獵爲蒐釋天文
公羊昭八年傳云蒐者何簡車徒也何休註徒衆也
是蒐者以聚徒衆也。詩曰至其民。屈此羣醜魯
頌泮水文原隰哀矣小雅常棣文毛傳俱用爾雅以
鳩其民左氏隱八年傳文又昭十七年傳云五鳩鳩

民者也。○樓猶至聚也。○劉熙孟子註云樓牽也故樓爲拘樓郭氏引時俗語爲證也

肅齊遄速亟屢數迅疾也註詩曰仲山甫徂齊害駿肅

亟遄速也註詩曰不害故也駿猶迅速亦疾也

正義釋名

云疾截也有所越截也速訓爲疾肅亟遄又訓爲速義相貫通也。○肅齊至疾也。○肅者禮運云刑肅而俗敝鄭註肅駿也周語云俾莫不任肅純恪韋昭註肅速也淮南本經訓云寬而不肆肅而不悖高誘註肅急也皆與疾之義相成也召南小星云肅肅宵征毛傳肅肅疾貌是重言之亦爲疾也齊者大戴禮記五帝德云幼而慧齊史記作幼而徇齊集解云齊速也言聖德幼而疾速也離騷云反信讒而齊怒王逸註齊疾也荀子君道篇齊給便捷而不惑尚書大傳云多聞而齊給鄭註齊疾也過者說文云過徃來數也易曰君子過徃說文所引損卦初九爻辭也大雅崧高云式過其行是過爲行之速也速者考工記云

不微至無以爲戚速也鄭註速疾也書或作數祭義云故聽且速也速通作邀呂氏春秋辨土篇莖生有行故邀長弱不相害故邀大高誘註邀疾也亟者說文云亟敏疾也大雅靈臺云經始勿亟少儀云小飯而亟之淮南主術訓雖馳傳驚置不若是其亟亟又通作恆說文云恆疾也亟又去吏切少儀云亟見曰朝夕鄭註亟數也屢當作婁釋言云婁亟也樂記云臨事而屢斷其義相成也數者祭義云其行也趨趨以數鄭註數之言速也迅者釋獸於獸獠狝狝皆云迅走是迅爲走之疾也○速駿至速也○速者說文云速居之速也詩疏引舍人云速意之速速通作簪豫九四云朋盍簪釋文引子夏傳云疾也鄭康成云速也速簪聲之轉也駿者周頌噫嘻云駿發爾私弟子職云若有賓客弟子駿作皆言速也駿又通作遠舊疏引禮記大傳云遠奔走鄭註遠疾也疾奔走言勤事也肅亟邁又爲速轉相訓也釋文云亟又作急釋名云急及也操切之使相逮及也急亦作棘詳見釋言註詩曰至徂齊○正義大雅蒸民文毛傳以爲

東方齊也謂往治齊之城郭也漢書杜欽傳引韓詩傳云仲山甫異姓之臣就封于齊郭氏引詩之意則以為仲山甫往行之疾也或本齊魯詩傳未聞其審○詩曰至疾也○正義詩鄭風遵大路文駿猶迅者說文云駿馬之良材者迅疾也从辵夨聲駿馬善疾走假借以為駿奔走猶迅為疾走假借以為迅雷風烈也速亦疾者通上下文之義

𡩺阮阮𡩺微隍𡩺虛也註𡩺𡩺𡩺也阮阮謂阮塹也隍

城池無水者方言云𡩺之言空也皆謂𡩺墟耳𡩺微

未詳韓奕云實塘實𡩺左氏襄三十年傳我公在𡩺

谷郊特牲云水歸其𡩺鄭註𡩺猶阮也說文作𡩺云溝也阮阮者後漢書註引倉頡篇云阮𡩺也莊子天運篇在坑滿坑𡩺者咸上六象傳云𡩺日說也孔疏云所競者日無復心實也徵者鄭氏易損卦云君子

微忿憤欲註云微清也言清虛也隍者泰上六云城復于隍釋言云隍經也舍人李巡註俱詳見釋言濂者說文云濂水虛也諡法解云濂虛也濂通作康小雅賓之初筵云酌彼康爵鄭箋康虛也穀梁襄二十四年傳云四穀不升謂之康范甯註以爲虛也釋文引郭氏音義云康本或作荒荒亦正墟之空無案大雅召旻云我居圉卒荒鄭箋荒虛也孔疏引某氏曰周禮云野荒民散則削之唯某氏之本有荒字耳其諸家爾雅則無之**註**經谿至墟耳○**正義**傳記以大經爲歸墟故以經爲谿經也坑坑重文總言坑塹者玉篇引左氏傳註溝塹也字書云城隍也隍城池無水者虞翻易註云城下溝無水稱隍有水稱池是也方言云康空也郭氏彼註云康寔空貌康或作獻虛也案康通作濂說文云康屋康寔也獻饑虛也皆與濂義同郭云皆謂正墟者說文云虛大正也徐鉉云今俗作墟非是

黎庶烝多醜師旅衆也**註**皆見詩洋觀哀衆那多也**註**

詩曰薄言觀者又曰受福不那洋溢亦多貌

正義說文云衆

多也多重也从重夕夕者相釋也故爲多齊謂多爲
衆是衆與多其義同也。黎庶至衆也。黎者堯典
云黎民於變時雍庶者說文云庶屋下衆也堯典云
庶績咸熙史記作衆功皆興烝者益稷云烝民乃粒
多者少牢饋食禮云承致多福無疆醜者曲禮云在
醜夷不爭師者說文云師二千五百人爲師从市从
自自四市衆意也堯典師錫帝曰史記作衆皆言於
帝易象傳云師衆也旅者士冠禮云東面旅占天官
旅下士鄭註云旅衆也下士治衆事者是皆言衆多
也。洋觀至多也。匡繆正俗云山東俗謂衆爲洋
是洋爲方俗語也魯頌閟宮云萬舞洋洋論語云洋
洋乎盈耳哉重言之亦爲多也周頌臣工云奄觀鉉
艾大雅文王有聲云適觀厥成鄭箋觀多也哀者上
文云衆也又訓爲多義相成也衆多互相訓也商頌
云猗與那與毛傳那多也**註**皆見詩。**正義**大雅桑
柔云民靡有黎小雅小明云我事孔庶周頌思文云

立我烝民商頌殷武云天命多辟大雅絲云戎醜攸
行板云曾莫惠我師小雅采芑云振旅闔闕俱訓爲
衆義之常行者耳。詩曰至不那。○**正義**
薄言觀者小雅采芑文受福不那桑扈文

流差束擇也

註

皆選擇見詩

正義

說文云擇束選也流

義求又轉訓爲擇也差者既夕禮記夏祝祈米差盛
之鄭註差擇之也束者荀子修身篇束理也楊倞註
束與簡同文選註引爾雅作簡擇也夏官趣馬云簡
其六節鄭註簡差也王制云簡不肖以紂惡**註**見詩
○**正義**周南關雎云左右流之小雅
吉日云既差我馬邶風云簡兮簡兮

戰慄震驚慙竦恐懼懼也

註

詩曰不慙不竦懼即懼也

正義說文云懼恐也恐懼也互相訓也戰者懼容也
論語云使民戰栗史記齊悼惠世家云股戰而栗言
其懼甚也小雅小旻云戰戰兢兢毛傳戰戰恐也是
重言之亦爲懼也方言云蛩懼戰慄也荆吳曰蛩懼

蜚懼又恐也說文云懼戰懼也廣雅云蜚懼懼也是
戰懼二字連文爲懼也秦風黃鳥云惴惴其懼莊子
人間世云吾甚懼之大宗師云登高不懼天運云操
之則懼是懼爲懼也震卦彖辭云震驚百里大雅江
漢云徐方震驚震驚二字經傳多連言之晉語云四
鄰莫不震動韋昭註震懼也方言云懼驚也是驚懼
互相訓也懣者說文云敬也過敬則心懼也竦者說
文作慄懼也春秋傳曰駟氏慄案左氏昭十九年傳
作駟氏聳杜註聳懼也又昭六年傳云聳之以威漢
書刑法志引作悚之以威方言云聳悚也周語云身
聳除潔韋註聳懼也楚語云能聳其德韋註聳敬也
以聳爲敬猶以懣爲敬皆言敬而懼也竦慄聳悚古
字通用恐訓爲懼義之通行者耳惴者說文云惴懼
也讀若疊周頌時邁云莫不震疊毛傳疊懼也疊惴
音義同莊子釋文引爾雅云怖懼也今無此文註詩
曰至懼也○正義不懣不竦商頌長發文毛傳懣恐
竦懼也惴即惴者說文云惴
失氣也出禮云則志不懣

痛瘡虺積多黃劬勞咎頤瘡痼鰥戮痼癰瘰癧痒疵閔

逐疾痼瘥排癰瘥瘥瘥病也

註

也積多黃皆人病之

通名而說者便謂之馬病失其義也詩曰生我劬勞

書曰智藏瘥在相戮辱亦可恥病也今江東呼病曰

瘥東齊曰瘥禮記曰親瘥色容不盛戮逐未詳餘皆

見詩

正義

說文云病疾加也釋名云疾病者客氣中

人急疾也病並也並與正氣在膚體中也此釋

病之異名也。痛瘡至劬勞。痛者漢書註引韓詩

云熏膏以痛痛病也通作鋪大雅江漢云淮夷來鋪

毛傳鋪病也瘥者幽風鴟鴞云予且卒瘥毛傳以為

口病也釋文云瘥木又作屠也瘥者周南作虺瘥詩

釋文云虺說文作瘥瘥說文作瘥爾雅釋文有瘥字

引字林云病也又云今經註無此字案爾雅舊本必

有作痕瘰者或作虺類陸氏既定從虺字復別見痕字於後蓋於虺卽爲痕偶有不檢遂以爲經註無此字也說文以黷爲禿貌釋名以黷爲氣下賁皆病之狀也元黃者毛傳云元馬病則黃郭氏以爲人病之通名也劬勞者小雅鴻雁云劬勞于野毛傳劬勞疾苦也。咎頤至瘰癧。咎者說文云咎災也釋言云凶咎也鹽鐵論云猶食毒肉愉飽而罷其咎也頤者釋文云字或作悴說文云悴憂也通作瘁文選註引倉頡篇云瘁憂也小雅北山云或盡瘁事國鄭箋以爲盡力勞病也瘰者釋文云字亦作憊樂記云微亂則哀共事勤是瘰爲勞劇之病也瘰者龍龕手鑑引爾雅舊註云瘰勞病也小雅鼓鐘云其德不猶鄭箋云猶當作瘰瘰病也鰥者釋名云愁怛不寐曰恒鰥然也戮以耻辱爲病鄭註秋官掌戮云戮猶辱也左氏文十年傳云國君不可戮也瘰者釋文引孫炎云畏之病也通作鼠小雅雨無正云鼠思泣血鄭箋鼠憂也瘰者釋文引郭氏音義以爲拘攣之病也。瘰瘵至瘵瘵。瘵者大雅雲漢云云如何里鄭箋云

里憂也詩釋文云本亦作痾爾雅作惺案下文云惺
憂也義相成也說文云惺惺也一曰病也痒者說文
云痒瘍也釋文引舍人云痾瘍痾痒皆心憂憊之病
也痾者說文徐鍇本以爲病不切也釋文引孫炎云
滯之病也字書云痾病也通作痾小雅何人斯云俾
我祇也毛傳祇病也痾者大誥云知我國有痾疏引
鄭註云知我國有痾病之取禮運云是謂痾國通作
訾檀弓云亦非禮之訾也閔者儒行云不閔有司鄭
註閔病也逐者舊疏引衛風考槃云碩人之軸鄭箋
云軸病也孔疏云軸與逐蓋古今字異疾者說文作
灾云貧病也詩曰癸癸在灾今周頌閔予小子篇作
癸癸在灾左氏昭二十年傳云不爲利灾於回是灾
爲貧病也痾者鄭箋以爲困病也○瘥瘥至瘥瘥○
瘥者左氏昭十九年傳云札瘥天昏孔疏引賈逵云
小瘥曰瘥瘥者說文云瘥風病也通作腓小雅四月
云百卉具腓毛傳腓病也釋文引韓詩云腓變也玉
篇引詩作百卉具瘥瘥者釋文引孫炎云瘥病案緇
衣云章善瘥惡鄭註瘥病也是瘥惡猶云疾惡也瘥

通作痺左氏襄十九年傳云苟偃痺疽說文云痺勞
病也療者楚策引詩云無自療也今小雅菀柳篇作
無自療焉瘼者小雅四月云亂離瘼矣鄭箋云今政
亂將有憂病者矣瘡者方言云江湘間凡物生而不
長曰瘡註瘡墮至義也。正義周南卷耳云我僕痡
矣又云我馬瘡矣我馬瘡墮我馬元黃疏引孫炎云
痡人疲不能行之病瘡馬疲不能進之病瘡墮馬罷
不能升高之病元黃馬更黃色之病郭氏以爲皆人
病之通名不從孫義者以毛傳於痡瘡瘡墮俱從爾
雅釋爲病不以瘡瘡墮爲馬病說文云痡病也瘡病
也亦從爾雅劉向九歎云躬劬勞而瘡悴王逸註瘡
亦病也是劉向王逸俱不以瘡爲馬病瘡墮元黃亦
猶是矣。詩曰至未詳。生我劬勞小雅蓼莪文知
藏瘵在周書召誥文相戮辱亦可耻病者左氏襄三
年傳云楊干爲戮何辱如之江東呼病曰瘵者宋元
虛海賦云爲痼爲瘵瘵其通語也東齊曰瘵者方言
云瘵病也東齊海岱之間曰瘵禮曰親瘵色容不盛
者玉藻文戮遂未詳戮字蓋衍文。餘皆見詩。大

雅瞻印云邦國殄瘁小雅角弓云交相爲瘡小雅正月云痲憂以痒大雅桑柔云稼穡卒瘁小雅白華云俾我底兮爾風鳴鵒云鬻子之閔斯大雅召旻云維今之疚不如茲耶風伯兮云使我心痲大雅板云下民卒瘁緇衣引作卒瘁瞻印云士民其瘵桑柔云瘵此下民

恙寫惺盱繇慘恤罹憂也

註

今人云無恙謂無憂也寫

有憂者思散寫也詩曰悠悠我惺云何盱矣繇役亦

爲憂愁也

正義

說文云憂愁也今經傳通作憂恙者呂氏春秋異用篇孔子之弟子從遠方來

考孔子荷杖而問之曰子之公不有恙乎搏杖而揖之問曰子之父母不有恙乎置杖而問曰子之兄弟不有恙乎棧步而倍之問曰子之妻子不有恙乎賈誼書容經篇孔子問子貢曰子之兄弟亦得無恙乎鄭註司儀云問君曰君不恙乎問大夫曰二三子不恙乎說文云恙憂也是本爾雅爲義也寫者方言云

凡言相憐愛謂之噴或謂之無寫無寫猶言無恙也
惺惺通用已見上文又通作慈說文云楚頴之間謂
憂曰慈肝者豫六三云肝豫王弼註睢肝而豫悔亦
至焉說文作忤憂也蘇者廣韻引詩云我歌且繇慘
當作懔說文云愁不安也詳見釋訓恤者衆經音義
引孫炎云恤救之憂也大宗伯云以恤禮哀冠亂鄭
註恤憂也盤庚云永敬大恤邶風谷風云皇恤我後
說文作卹憂也羅當作離小雅四月云亂離瘼矣毛
傳離憂也隸體作離小弁云我獨于羅詩釋文云羅
本作離註今人至愁也。正義郭云無恙謂無憂者
匡謬正俗云風俗通義釋無恙云上古之時草居露
宿恙噬人蟲也善食人心人恒苦患之凡相問曰無
恙乎非謂疾也按爾雅云恙憂心也楚辭九辨云還
及君之無恙此言及君之無憂豈謂不被蟲噬乎漢
元帝詔貢禹曰今生有疾何恙不已乃上疏乞骸骨
此言病何憂不差而乞骸骨豈又被蟲食心耶凡言
無恙謂無憂耳安得食人之蟲摠名恙乎今案顏師
古之辨篤矣應劭本於易緯据許氏說文當作無它

非雅義也。顏引爾雅作憂心也。蓋連引舊註之文耳。郭云思散寫者舊疏引小雅車牽云我心寫矣。郭引詩云悠悠我懷者小雅十月文。今本作我里。毛傳云悠悠憂也。是音義相通也。云何肝矣。周南卷耳及小雅都人士。文錄役亦為憂愁者。郭以義推言之。高誘淮南註云縣役也。監本亦作以。今從宋本。

倫勤卬救勤愉庸瘁勞也

註

詩曰莫知我勩維王之卬

哀我瘁人國語曰無功庸者倫理事務以相約敕亦為勞勞苦者多惰愉今字或作贏同勞來強事謂翦

簪勤也

註

詩曰職勞不來自勉強者亦勤力者由事

事故為勤也詩曰迨其謂之翦簪未詳

正義

勞訓為勤勤訓為勞

轉相訓也。倫勤至勞也。說文云勞劇也用力者勞倫者鄭註學記云倫理也易釋文引鄭註噬嗑云

勅猶理也是倫與敕義同勛本又作肄邶風谷風云
既詒我肄毛傳肄勞也疏引孫炎云習事之勞也邛
者小雅小旻云亦孔之邛毛傳邛病也勞苦爲病義
相成也敕者說文云勅勞也从力來聲故下文云來
勤也今經傳通作勅徐廣史記註云勛古勑字天官
冢宰云百工勛化八材賈疏云勛勤也勛力以化八
材勑通作飭飭訓爲勤勤卽勞也勤者周頌賁云文
王既勤止左氏昭十三年傳請君無勤王藻云勤者
有事則收之鄭註謂執勞辱之事也淮南汜論訓云
肩負僇之勤也偷通作窳商子壑草篇窳惰之民勉
疾又云惰民不窳庸者大雅嵩高云以作爾庸鄭箋
庸功也夏官司勲云民功曰庸瘁者鄭註士冠禮云
古文尫爲瘁又通作單周頌昊天有成命云單厥心
是也。勞來至勤也。勞又訓爲勤者衆經音義引
健爲舍人云勞力極也夏官司弓矢云使者勞者鄭
註云勞者勤勞之事儒行云先勞而後祿鄭註勞猶
事也來者大雅文王有聲云適追來孝強者孟子云
強爲善而已矣事者淮南俶眞訓云事其神而燒其

精修務訓云事而身弗伐事猶勞也衆經音義引舍人云來強事也疑強事二字本係舍人之註傳寫者漏入正文也謂者小雅隰桑云遐不謂矣翦當作踐鄭註玉藻云踐當爲翦書疏引鄭註書序云踐讀曰翦史記集解引服虔云踐翦也是踐翦古通用左氏文元年傳云踐修舊好士相見禮云不足以踐禮皆言勤也等當作翦泰初六云以其彙釋文云古文彙作翦鄭註云勤也註詩曰至庸者。正義莫知我勤小雅雨無正文左氏昭十三年傳引作莫知我肄是肄與勤通維王之邛者小雅巧言文哀我憚人大東文毛詩作憚人又小明云憚我不服憚通作癉音義同國語曰無功庸者晉語公族穆子之辭。詩曰至謂之。正義職勞不來者大東文毛傳來勤也孔疏云以不被勞來爲不見勤故采薇詩序曰秋杜以勤歸卽是勞來也迨其謂之者召南標有梅文

悠傷憂思也註皆感思也懷惟慮願念怒思也註詩曰

怒如調飢

正義釋名云思司也凡有所司捕必靜思

也。悠者上文云悠遠也是悠爲思之遠也。周南關雎云悠哉悠哉傷者說文作傷憂也。卷耳云維以不永傷是憂傷之思也。憂訓爲思通見經傳。郭以爲皆感思所以別於念慮之思也。懷惟至思也。方言云懷怒惟慮。顧念思也。惟凡思也。慮謀思也。願欲思也。念常思也。凡思之貌。或曰怒按諡法解云懷思也。與釋詁同上。文已云惟慮謀也。又訓爲思。增成其義也。願者鄭風蔓草云適我願兮。左氏襄三十年傳云不寢而願。大念者釋名云念黏也。意相親愛心粘著不能忘也。秦風小戎云言念君子怒者小雅小弁云怒焉如擣疏。引舍人云怒志而不得之思也。**註**詩曰至調飢。**正義**周南汝墳文釋文引韓詩怒作恚。方言言云恚憂也。自關而西秦晉之間或曰怒說文云恚憂貌。讀與怒同。

祿祉履戩祓禧禴祐福也**註**

詩曰福履綏之俾爾戩穀

祓祿康矣。禋禘書傳不見其義未詳。**正義**禮記祭統

名云福富也。其中多品如富者也。祿者少牢饋食禮

云使女受祿于天。鄭註云古文祿爲福。社名周頌雖

云介以繁祉。履者釋言云履祿也。履禮也是履祿義

同。又訓爲禮者荀子大畧篇禮者人之所履也。說文

云禮履也。所以事神致福也。是訓爲禮亦言受福也

哉。者方言云福祿謂之祓。哉祓者大雅生民云以弗

無子。鄭箋弗之言祓也。疏引孫炎云祓除之福。春官

女巫巫云祓除。豐浴說文以祓爲除惡之祭。言去惡以

致福也。禋通作釐。說文云釐家福也。漢書孝文紀云

祠官祝釐如淳曰釐福也。賈誼傳受釐坐宣室是也。

顏師古云釐本字作禋。禋者說文云禋福也。義本爾

雅。張衡東京賦云祈禋禳災。思元賦云蒙龐禋以拯

民。據爾雅爲義也。祐者賈誼書禮篇云祐大福也。商

頌烈祖云有秩斯祐。士冠禮云永天之祐。**註**詩曰至

不見。**正義**福履綏之。周南樛木文。俾爾戩穀。小雅

天保文。祿康矣。大雅卷阿文。毛詩作弗祿爾康矣。

監本作書傳少
見今從宋本

禋祀祠蒸嘗禴祭也**註**書曰禋于六宗餘者皆以爲四

時祭名也

正義祭統云祭者所以追養繼孝也此晰其名也禋者說文云禋潔祀也周語云精

意以享禋也韋昭註禋敬也書疏引孫炎云禋絜敬之祭也下文云禮敬也其義相承也祀者說文云祀

祭無已也衆經音義引舍人云祀地祭也按春官大

宗伯云以禋祀祀昊天上帝則祀不專屬祭地而言

郭氏所不取也祠蒸嘗禴者大宗伯云以祠春享先

王以禴夏享先王以嘗秋享先王以烝冬享先王是

四時之祭名也詳見釋天**註**書曰至六宗**正義**辨

典文尚書大傳作湮于六宗鄭註湮祭也字當爲禋

儼恪祗翼謹恭欽寅燠敬也**註**儼然敬貌書曰夙夜惟

寅詩曰我孔熯矣謹未詳

正義說文云敬肅也釋名云敬警也恒白肅敬也儼

者陳風澤陂云碩大且儼毛傳儼矜莊貌儼通作嚴
荀子儒效篇嚴嚴乎其能敬已也楊倞註嚴或爲儼
是也格者說文作憲云敬也徐鉉云今俗作恪商頌
那云執事有恪祇者商頌長發云上帝是祇金縢云
罔不祇畏史記作罔不敬畏翼者大雅生民云克禋克祀毛
雅卷阿云以引以翼謹者大雅生民云克禋克祀毛
傳禮敬也左氏桓六年傳云以致其禮祀杜註禋絜
敬也禮記古字通恭者說文云恭肅也商頌那云溫
恭朝夕欽者堯典云欽若昊天史記作敬順吳天書
釋文引馬融云威儀表備謂之欽鄭康成云敬事節
用謂之欽皆就書文而推演其義耳內則云欽有帥
是欽卽敬也寅者堯典云寅賓出日史記作敬道日
出逸周書祭公解云我不則寅哉寅哉寅通作寅說
文云寅敬惕也易曰夕惕若寅漢書叙傳云寅亮天
功鄧展註云寅敬也煥者徐鍇以爲煥當作懃說文
云懃敬也懃儼然至煥矣。正義儼然敬貌者曲禮
云儼若思論語云儼然人望而畏之釋名云嚴儼也
儼然人憚之也夙夜惟寅舜典文史記作夙夜惟敬

我孔熯矣小雅楚茨文毛傳用爾雅

朝旦夙晨駿早也

註

駿亦明也

正義

說文云早晨也从

一見於十成於木之象朝者說文云鞠旦也从軌舟聲舊疏引鄘風蠨蛸云崇朝其雨毛傳云從旦至食時爲終朝孔疏云左傳子文治兵終朝而畢子玉終日而畢是終朝非竟日也旦者說文云旦明也从日見一上一地也邶風匏有苦葉云旭日始旦毛傳旭日始出謂大昕之時夙者說文作夙云早敬也从其持事雖夕不休早敬者也大雅生民云載震載夙士冠禮云夙興設洗賈誼書禮容語云夙早也晨者說文作晨云晨早昧爽也从白从辰辰時也辰亦聲其夕爲夙白晨爲晨皆同意小雅庭燎云夜鄉晨毛傳晨明也秋官司寤氏云禦晨行者鄭註晨先明也駿者大明也與旦晨之義同

頤竢晉戾底止俟待也

註

書曰俟我后今河北人語亦

然晉戾底者皆止也止亦相待正義說文云待戾也

損者出告須鄭註須亦待也上昏禮記云某敢不敬

須左氏成十二年傳云寡君須矣維記云孤某須矣

戾通作侯士昏禮云侯于門外鄉射禮云負侯而侯

祭義云八十不侯朝穀梁莊八年傳云侯待也晉戾

底俱訓為止詳見下侯者益稷云惟動不應侯志註

書曰至相待。正義孟子引書曰侯我后趙岐註侯

待也東晉所上古文在太甲篇說文繫傳引

作侯予后監本作止亦相待也宋本無也字

噭幾裁殆危也

註幾猶殆也噭裁未詳

正義說文云危

名云危阨也阨阨不固之言也噭者說文云噭危也

龍龕手鑑引舊註云噭事之危也幾者說文云幾殆

也从絲从戌戌兵守也絲而兵守者危也大雅瞻印

云維其幾矣左氏宣十二年傳云利人之幾荀子舜

問篇汝其以魯國驕人幾矣裁者逸周書芮良夫解

云爾乃賷亂載祭義云裁及其親猶孟子云以危

父母也殆者小雅節南山云無小人殆祭義云不敢以先父母之遺體行殆

踐汙也**註**謂相摩近**正義**說文云踐蹠也訖事之樂也玉篇引埤蒼云蹠蹠也轉相訓也

幾通作幾井卦象詞云汙至亦未繙井孔疏汙幾也幾近也大雅民勞云汙可小康鄭箋汙幾也**註**謂相

摩近也**正義**釋文云蹠郭音剗說文云剗摩也詩疏引係炎云汙近也故以為相摩近也左氏襄二十八年傳云楚不幾十年以幾為近也又昭十年傳引詩

汙可小康杜註汙期也期幾以聲近為義耳詩疏引史記周昌傳臣期知其不可以證成杜義非雅訓也

治肆古故也**註**治未詳肆古見詩書肆故今也**註**肆既

為故又為今今亦為故故亦為今此義相反而兼通

者事例在下而皆見詩也**正義**此以故與今反覆相訓也。治肆古故也。治當為

始益稷云在治忽史記作來始滑漢書律歷志引作
七始詠是治始二字相淵也墨子經篇云始當時也
是始卽故也肆爲發端之詞故爲申釋之詞其義相
通古故以聲爲義也。肆故今也。說文云今是時
也肆故爲當時反覆相訓也。**註**肆古見詩書。**正義**
梓材云肆徂厥敬勞盤庚云古我先王皆言故也周
頌昊天有成命云肆其靖之毛傳肆固也鄭箋固當
爲故字之誤也。邶風日月云逝不古處毛傳古故也
。此義至見詩。**正義**郭以爲義有反覆旁通詳見
徂在存也之註云見詩者大雅緝云肆不殄厥愍毛
傳肆故今也抑云肆皇天弗尚鄭箋肆故今也
俱以故今二字連文郭云皆見詩與毛鄭微異

惇亶祐篤惇仍臚埤笱腹厚也。**註**頻仍埤益臚輔皆重

厚堅然厚貌條皆見詩書

正義釋名云厚後也有終厚也故青徐人言厚曰後

也惇者內則云皆有惇史惇通作敦樂記云若夫敦
樂而無憂鄭註敦厚也亶者周語云亶厚也按上文

云亶信也誠也又云祐福也俱又訓爲厚增成其義也篤者公羊宣十二年傳云君子篤於禮而薄於利上文云篤堅固也堅又訓厚義相承也仍者明堂位云爵用玉琖仍雕下文云仍因也因而重之以爲厚也肫者說文云肫牛百葉也肫或作肫釋文云本或作脾釋名云脾禪也脾者說文云脾增也是肫與脾俱以增益爲厚也坐與篤通楚詞天問云帝何坐之腹者月令云水澤腹堅呂氏春秋作水澤復堅高誘註復或作複釋名云腹複也是腹有重複之義故訓爲厚說文亦云腹厚也**註**頻仍至詩書。**正義**頻仍埤益肫輔皆重厚者廣雅云仍再也邶風北門云政事一埤益我小雅節南山云天子是肫采菽云福祿肫之釋文引韓詩云肫厚也是皆以重爲厚也堅然厚貌者上文堅固也郭氏註云堅然亦牢固之意是以固爲厚也餘皆見詩書者舜典云惇德允元史記作厚德允元左傳疏引樊光註引詩云逢天亶怒大雅桑柔毛傳云亶厚也孔疏云亶亶聲近義亦同疏又引某氏註云詩云亶亶厚小雅大保文也盤庚

云朕及篤敬周顒維天之命云曾
孫篤之小雅蓼莪云出入腹我

載謨食詐僞也

註

載者言而不信謨者謀而不忠書曰

朕不食言

正義

古者為僞二字通川堯典云平秩南

南僞月令

云毋或作為淫巧鄭註云今月令作為作

詐僞蓋因有所作為遂生詐僞其聲相近其義相通

後世字別為義則載謨訓作為之為食詐為虛僞之

僞也載者阜附謨云載采采大宗伯云則攝而載果

鄭註載為也謨者上文云謨謀也逸周書祭公解云

無以小謀敗大作是謀即為作作者為也食者書疏

引孫炎云食言之僞也左氏僖二十八年傳云背惠

食言成十六年傳云潰齊盟而食諾言又云臨事而

食言襄二十七年傳云食言者不病哀二十五年傳

云是食言多矣杜註言而不行如食之消盡後終不

行前言為僞也詐者方言云謫詐也自闕而東西或

日謫詐通語也**註**載者至食言。**正義**郭以載謨為

反訓近時學者多不從之然古人之訓實有反覆相通者如此篇上云允誠也而下云允佞也展信也而周語云展而不信誕者妄也而廣雅云誕信也合諸以徂爲存以治爲亂則知古訓流傳郭註未可遽非矣朕不食言湯誓文

話猷載行訛言也**註**詩曰慎爾出話猷者道道亦言也

周禮曰作盟詛之載今江東通謂語爲行世以妖言

爲訛

正義呂氏春秋離謂篇云言者以喻意也下篇釋言以言爲字此所釋者人所言也詬者盤庚

云乃詬民之弗率書疏引舍人云詬政之善言也孫炎云善人之言也說文作詬云令會善言也傳曰告之詬言案左氏文六年傳作著之詬言猷者坊記引君陳云文有嘉謨嘉猷載者左傳引逸詩云無載爾僞行者舜典云朕聖說殄行史記作朕畏忌讒說殄僞行訓爲言故龍作納言訛者小雅正月云民之

訛言鄭箋訛偽也是訛與行義同皆為言也**註**詩曰

三為訛

正義

慎爾出語大雅抑文毛傳語善言也

猷者道道亦言者下文云猷道也鄭註禮記云道言

也周禮云作盟詛之載者春官詛祝云作盟詛之載

辭鄭註載辭為辭而載之於策秋官司盟云掌其盟

約之載鄭註載盟辭也左氏襄九年傳云晉士莊子

為載書哀八年傳云景伯負載是也郭云江東通謂

語為行者據時諺也以妖言為訛言今俗語猶然

遘逢遇也

註

謂相遘遇遘逢遇遘也

註

轉復為相觸還

遘逢遇遘見也

註

行而相值即見

正義

此以遇還見

逢遇也。說文云遇逢也釋言云遇偶也穀梁傳所

云不期而會者也遘者鄭氏易姤作遘序卦傳云遘

者遇也鄭風野有蔓草云邂逅相近相遇釋文云近本亦

作遘毛傳云邂逅不期而會是遘為遇也逢者左氏

宣三年傳云莫能逢之杜註逢遇也。遘逢遇遘也

。說文云遘相遇驚也能寵手鑑引爾雅舊註云心

不欲見而見曰逕。逕逢遇又爲逕者。金滕云：逕厲虐疾，邶風：柏舟云：逢彼之怒。王風：中谷有蓷，云：遇人之不淑矣。○逕逢遇，逕見也。○四者又俱訓爲見也。逕通作覲，幽風：伐柯云：我覲之子。毛傳：覲見也。說文云：覲，遇見也。逢者，王風：兌爰云：逢此百罹。遇者，檀弓云：遇負杖入保者息。鄭註：遇見也。逕者，楚詞：懷沙云：重華不可逕兮。王逸註：逕逢也。逕通作寤，漢書：鄧展註：寤逢遇也。又通作迕，楊倞荀子註云：迕遇也。故釋言又云：迕寤也。詳見釋言。註行而至，卽見。○正義監本：作行而相值，卽是見。朱本：無是字，今從朱本。

顯昭覲釗覲見也

註

顯昭明見也。逸書曰：釗我周王監

瞻臨泣覲相視也

註

皆謂察視也

正義

說文云：見視也。視瞻也。此分釋

其義也。○顯昭至見也。○上文云：顯昭光也。又訓爲見，義相成也。說文云：顯，頭明飾也。昭，目明也。以其光明，故轉訓爲著見也。覲者，舜典云：日覲四岳羣牧。史記作日見。四嶽諸牧，儀禮有覲禮。鄭目錄云：秋見日

觀曲禮云天子當依而立諸侯北面而見天子曰覲
大雅韓奕云韓侯入覲此言四時之朝覲也古者貴
賤不嫌同稱故左氏昭昭十六年傳云宣子私覲於子
產是覲卽見也釗與昭聲近義同故爲見也覲者聘
禮云賓覲記又云私覲愉愉焉荀子大略篇私覲私
見也穀梁雅莊二十四年傳云覲見也此言聘問之禮
也易田卦云三歲不覲淮南主術訓云使史墨往覲
焉是覲卽見也。監贍至覲也。監者說文云監臨
下也周頌敬之云日監在茲魯語云使長監于世章
昭註監觀也說文作監視也瞻者說文云瞻臨視也
晉頌閔宮云晉邦所詹風俗通義引作魯邦所瞻又
通作覲桓弓云我喪也斯沾鄭注沾讀曰覲視也臨
者說文云臨監臨也大雅皇矣云臨下有赫又雜記
云臨者入門左鄭註臨視也渚者天官世婦云渚陳
女官之具秋官大司寇云渚其盟書鄭註渚臨也規
者春官典瑞云以規聘秋官大行人云殷規以除邦
國之惡說文云諸侯三年大相聘曰規規視也相者
說文云相省視也盤庚云相時儉民地官大司徒云

以相民宅鄭註相占視也註逸書至周王。**正義**孟子引書紹我周王趙岐註以為願見周王尚書逸篇之文也郭氏引作釗我周王所見本異也梅賾所上古文武成篇作昭我周王。皆謂察視也。**正義**釋名云視是也察共是非也是視為察視也

鞠訥溢盈也註

詩曰降此鞠訥

正義說文云盈滿器也墨子經篇云盈莫不有

也鞠者齊風南山云曷又鞠止鄭箋鞠盈也訥者小曼鄭箋云謀事者衆訥訥滿庭左氏僖二十八年傳云曹人兇懼兇兇衆多之聲也溢者說文云溢器滿也孝經云滿而不溢註詩曰至鞠訥。**正義**小雅節南山文毛傳鞠盈訥訟也鄭箋盈猶多也

孔魄哉延虛無之言間也註

孔穴延魄虛無皆有間隙

餘未詳

正義下文云間代也杜註左傳云間隙也孔

魄延虛無為間隙哉之言為詞之間故說文

云哉言之間也孔者小雅角弓云如酌孔取鄭箋云孔取謂度其所勝多少凡器之孔其量大小不同詩疏引老子云孔德之容唯道是從亦謂器之受實為孔也魏者釋名云魏月始生魄然也延者杜註左傳云隧延道也虛無者老子云是謂虛也又云當其無有室之用是皆有間隙也哉者川頌離云假哉皇考之者臣工云惟暮之春言者有客云薄言追之皆謂詞之間也

瘞幽隱匿竄微也

註

微謂逃藏也左傳曰其徒微之

是也

正義

說文云微隱行也是幽隱皆為微也瘞者秋官大司馬云伏瘞亦如之鄭司農云瘞謂埋祭

也釋言云瘞幽也詳見釋天幽者困象傳云入於幽谷不明也隱者少儀云隱情以虞匿者左傳疏引舍人云匿藏之微也盤庚云不匿厥指左氏襄十八年傳云敢匿情乎蔽者月令云無有掩蔽竄者左氏定四年傳云而君又竄之杜註竄匿也荀子儒效篇惠施鄧析不敢竄其察楊倞註竄匿也

註

微謂至是也

○**正義**衆經音義引舊註云謂迷竄也又微止也左
 傳曰其徒微之者哀十六年傳文又襄十九年傳云
 崔杼微逆光服虔云微匿也晉語云設
 微薄而觀之左傳疏引孔晃云微蔽也

訖徽安懷安按晉戾底底尼定曷遏止也**詒**安者坐也

懷者至也按抑晉廢皆止住也戾底義見詩傳國語

曰戾久將底孟子曰行或尼之今以逆相止爲遏徽

未詳**正義**止也謂有所限而止也訖者穀梁傳九
 年傳云毋訖難祭統云訖其者欲鄭註訖猶止

也徽者坎上六云係川徽還揚雄解嘲云徽以糾纏
 以徽爲止也安與安義同小雅楚茨云以安以伯懷

者王風揚之水云懷哉懷哉鄭箋懷安也安者左氏
 襄七年傳云吾子其少安又僖二十三年傳云行也

懷與安實敗各是以懷安爲不行也按者大雅皇矣
 云以按徂旅孟子引作以遏徂荀荀子王制篇偃然

案兵無勳呂氏春秋期賢篇衛以十人者按趙之兵
高誘註按止也替者楚茨云勿替引之戾者左氏襄
二十九年傳云乃猶可以戾杜註戾止也底者說文
云底下也又云止下基也是底與止義相通也上文
云替戾底止待也是又以相待爲止也底通作祇以
聲爲義監本底誤作廢今從宋本改正釋文與宋本
同尼者下文云尼定也通作柅柅初六云繫于金柅
釋文引蜀才作尼止也柅訓爲止與徽同義也定者
小雅節南山云亂靡有定易者商頌長發云則莫我
敢易漢書引作則莫我敢過過者湯誓云夏王率過
衆力史記作夏王率止衆力大雅文王云無過爾躬
公羊莊二十二年傳云季子之過惡也註安者至爲
過○正義下文云安安坐也故云安者安也上文云
悞至也至止以聲爲義也按訓爲抑者楚策云王抽
旃旄而抑兕首是抑爲按也釋言云替廢也以廢爲
止今俗語猶然戾底義見詩傳者舊疏以爲蓋在齊
魯韓詩今按小雅采芣云亦是戾矣毛傳戾至也鄭
箋戾止也至止聲同毛鄭俱本爾雅爲義也底通作

祇何人斯云俾我祇也鄭箋祇安也安亦為止也國語曰戾久將底者晉語云可以戾也今戾久矣戾久將底韋昭註戾定也底止也孟子曰行或尼之者今本孟子作止或尼之趙岐註尼止也舊疏以為所見本異或傳寫誤也今以逆相止為過者孫子云歸師弗過是也監本抑字下行按也二字今從宋本刪去舊疏云按抑皆廢皆止住也與宋本同

豫射厭也

註

詩曰服之無斃豫未詳

正義

豫者雜卦傳云豫忘也射者文

選註引韓詩云在此無射薛君云射厭也祭統云奔走無射屈原天問云昔歸射鞠是也又鄭註鄉射禮云豫讀如成周宣榭吳之棚是豫讀為射射通作斃斃訓為厭以聲為義也**註**詩曰至無斃**正義**周南葛覃文說文云斃狀也射斃音義同故書云俾我有周無斃

烈績業也

註

謂功業也績勲功也

註

謂功勞也

正義

名云業

捷也。事捷乃有功業也。功攻也。政治之成也。故上文云業事也。下文文云功成也。烈績業也。烈者盤庚云其克從先王之烈。表記云后稷天下之爲烈也。鄭註烈業也。績者舜典云三載考績。周語云莫非嘉績。○績勲功也。績又訓爲功者。堯典云庶績咸熙。史記作衆功。皆與穀梁宣十二年傳云績功也。勲者夏官司勲云王功曰勲。說文云勲能成王功也。功以勞定國也。

功績質登平明考就成也**註**功績皆有成。詩曰質爾民

人。禮記曰年穀不登。穀梁傳曰平者成也。事有分明

亦成濟也。

正義釋名云成盛也。功者夏官葉人云乃入功于司弓矢。鄭註功成也。荀子富國篇

百姓之力待之而後功。績者穀梁成五年傳云伯尊其無績乎。質者曲禮云疑事毋質。少儀云毋身質言語。鄭註質成也。登者大雅崧高云登是南。邢左氏襄元年傳云且不登飯人也。平者夏官大司馬以佐王

平邦國鄭註平成也明者隨九四云有孚在道以明
象曰有孚在道明功也王弼註能幹其事而成其功
也是明為成也考者諡法解云考成也雜記云春秋隱五年
考仲子之宮穀梁傳云考者成也難記云路寢成則
考之而不夢詩序云斯干考室也無羊考牧也就者
史記楚世家云就章華臺既夕禮云薦馬纓三就鄭
註就成也又鄭註天官典絲云采色一成曰就註詩
曰至成也○正義賁爾民人大雅抑文年穀不登曲
禮文平者成也
宣四年傳文

桔梗較頰庭道直也註桔梗較頰皆正直也詩曰既庭

且碩頰道無所屈正義說文云直正見也桔者緇衣

覺德行毛傳覺直也梗者方言云梗覺也郭氏彼註
云謂直也較者鄭註天官司裘云鵠之言較較者直
也所以直已志又大射儀註云鵠之言較較直也頰
者左氏襄五年傳引詩云周道挺挺杜註挺挺正直

也頤通作挺又通作庭曲禮鮮魚曰庭祭鄭註庭直也庭者後漢書註引倉頡篇云庭直也周語云以待不庭不虞之患韋昭註庭直也不庭猶不道也道者孟子云不直則道不見

大田

密康靜也

註

皆安靜也

正義

密靜也已見上文康者大雅生民云不康

禮記

豫寧綏康柔安也

註

皆見詩書

正義

說文云安晏也晏晏然和名云安晏也晏晏然和

喜無動懼也豫者虞氏易雜卦傳豫怡也寧者說文作寧安也从心在皿上人之飲食器所以安人乾卦云萬國咸寧綏者夏小正云綏多女士綏安也諡法解云綏安也康者晉卦云晉康侯諡法解又云康安也柔者內則云柔色以溫之

註

皆見詩書

正義

皆

見詩者小雅白駒云逸豫無期斯干云君子攸寧周頌桓云綏萬邦賈誼書禮容語引詩成王不敢康康安也詩疏引某氏曰詩云懷柔百神皆見書者康詩

云無康好逸豫盤庚云茲猶不常寧又云底綏四方
西伯戡黎云不有康食史記作不有安食舜典云柔
遠能
適

平均夷弟易也

註

皆謂易直

正義

易言其平易也平者
說文云語平舒也小雅節

南山云不平謂何均者說文云平徧也地官之屬有
均人鄭註均猶平也主平土地之力政者又有土均
註云主平土地之政令者也夷者周頌有客云降福
孔夷說文作夷云行平易也弟者大雅泂酌云豈弟
君子表記引詩而釋之曰弟以說安之
毛傳作易以說安之是弟訓為易也

矢弛也

註

弛放弛易也

註

相延易

正義

矢訓為弛者大
雅江漢云矢其文德

孔子閒居篇引作弛其文德鄭註弛施也詩釋文引
毛傳定本作矢弛也孔氏正義本作矢施也弛訓為
易者小雅何人斯云我心易也釋文引韓詩作我心
施也是易為和易之易也樂記云庶民弛政鄭註弛

政去其糾時苛政是易為移易之易也坊記云君子弛其親之過鄭註弛猶棄忘也是易為易去之易也古音順協義和貫通後世字別為聲辭別為義古音既昧於古義多所窒矣註相延易。正義大雅皇矣云施于孫子鄭箋施猶易也延也郭註本鄭箋

希寡鮮罕也

註

罕亦希也

鮮寡也

註

謂少

正義

克典云鳥獸希革繫

辭傳云吉人之辭寡盛庚云鮮以不浮于天時希寡鮮俱訓為罕義之常行者耳鮮又訓寡轉相訓也註罕亦希也。正義鄭風太叔于田云叔發罕忌毛傳罕希也公羊桓六年傳云蓋以罕書也何休註罕希也少儀云罕見日間名鄭註罕希也是郭註所本也

酬酢侑報也

註

此通謂相報答不主于飲酒

正義

此言相報答也

酬者說文云醕主人進客也或作酬酢者說文云醕客酌主人也特牲饋食禮云尸以醕主人鄭註醕報

也古文醋作酢是醋酢古今字也廣韻引倉頡篇云
主答客曰酬客報主曰酢鄉飲酒禮云賓實爵主人
之席前東南面酢主人又云主人實解酬賓小雅瓠
葉云酌言酢之又云酌言醕之毛傳酢報也醕道飲
也鄭箋報者賓既卒爵洗而酌主人也主人既卒酢
爵又酌自飲卒爵復酌進賓猶俗之勸酒孔疏以為
鄭據鄉飲酒燕禮而言也侑者特牲饋食禮云尸三
飯告飽祝侑鄭註云侑勸也或曰又勸之使又食少
牢饋食禮侑辭曰皇尸未實侑也小雅楚茨云以妥
以侑毛傳侑勸也鄭箋為其嫌不飽祝以主人之辭
勸之孔疏云已飲食而後勸之亦是重報之義是酬
酢侑皆為飲食之禮和報也註此通至飲酒。正義
郭以經傳義有假借不專主飲酒而言舊疏引繫辭
傳云可與酬酢楚茨云萬壽攸酢公食大夫禮云公
受大夫束帛以侑是也士冠禮云
主人酬賓束帛僊皮皆其證也

毗劉梟樂也

註

謂樹木葉欽落蔭疏梟樂見詩觀象弗

離也

註

謂草木之叢茸翳蒨也。弗離卽彌離。彌離猶

蒙龍耳。孫叔然字別爲義失矣。

正義

此釋草木疎密之異名也。毗劉暴

樂也。說文云毗緣廢也。釋文引樊光本作庇云。陰

也。按庇蔭也。釋言文與暴樂之義無涉。作毗者是也。

詩疏引爾雅作毗。劉燦燦也。又引舍人云毗劉燦燦

之意也。木枝葉稀疏不均爲燦燦。○覲髮弗離也。

說文云覲小見也。引爾雅曰覲髮弗離。案覲髮弗離

皆雙聲。凡雙聲之字義存乎聲。**註**謂樹至見詩。○**正**

義郭氏本舍人爲義云。見詩者大雅桑柔云將采其

劉毛傳劉燦燦而希也。鄭箋云及已將采之時則葉

燦燦而疏。謂草至失矣。○**正義**郭云草木之叢茸

翳猶孫子云葭葦山林翳蒨也。弗離卽彌離者彌

離又轉作毗。離王風中谷有雅云有女吡離又云彌

離卽蒙龍者。蒙龍又轉作厖茸。左氏僖五年傳云狐

裘厖茸。後世彌離轉作迷離。又轉作靡麗。蒙龍轉作

蒙戎。又轉作葱龍。皆語之遞轉。郭氏舉類以曉人也。

郭以字別為義為失者連舉之字不當分析取義亦舉以例其餘也

蠱諂貳疑也

註

蠱惑有貳心者皆疑也左傳曰天命不

諂

正義

說文云疑未定也是疑即惑也蠱者左氏哀

二十六年傳云大尹蠱惑其君墨子非儒篇盛容

修飭以蠱世皆言惑也又惑疾為蠱宣八年傳云晉

胥克有蠱疾昭元年傳云疾如蠱是也諂者昭二十

六年傳云天道不諂不貳其行貳者大雅大明云無

貳爾心左氏閔元年傳云間攜貳

註

蠱惑至不諂。疑也疏以為釋言文郭引左傳哀十七年傳文

榦翰儀榦也

註

詩曰維周之翰儀表亦體榦

正義

說文

榦木也左氏宣十一年傳云平板榦是榦為板築之

具也榦者說文云榦剛木也費誓云時乃榦榦史記

集解引馬融云榦榦皆築具榦在前榦在南旁書疏

引舍人云榦正也築牆所立兩木也榦者成二年傳

云棺有翰檜杜註翰旁飾舍人云翰所以當牆兩邊障土者也儀者說文作檣云幹也史記項羽本紀檣其船以待若今小船兩頭植蒿猶築牆之幹矣註詩日至體幹。正義維周之翰大雅崧高文又文王云維周之楨小雅桑扈云之屏之翰皆言幹也儀所以行禮左氏成十三年傳云禮身之幹也襄三十年傳云禮國之幹也

弼棐輔比正義也註書曰天威棐忱易曰比輔也正義備猶輔

也正義說文云備輔也弼者上文云重也又訓為備義相成也通作邶說文云邶輔信也書曰邶成五服又通作佛周頌敬之云佛時仔肩鄭箋佛輔也棐者洛誥云公功棐迪篤以棐為輔也輔者洛誥言四輔大戴禮記千乘篇國有四輔尚書大傳云古者天子有四輔臣前曰疑右曰丞左曰輔後曰弼越語云憎輔遠弼韋昭註相道為輔矯過為弼是輔弼皆言相輔也比者說文云比密也大雅皇矣云克順克比

左傳昭二十八年傳釋此詩云擇善而從之曰比註書曰至輔也。**正義**天威秉忱康誥文比輔也比卦

象傳

疆界邊衛圉陞也註疆場境界邊旁營衛守圉皆在外

陞也左傳曰聊以固吾圉也**正義**說文云陞遠邊也疆者說文云疆界也小

雅信南山云我疆我理毛傳疆畫經界也穀梁昭二

年傳云疆之為言猶竟也界者說文云畛竟也孟子

云不以封疆之界邊者左氏昭十一年傳云五大不

在邊漢書武紀引逸詩云親省邊陲衛者大司馬九

畿之籍采畿之外方五百里曰衛畿又史記五帝紀

黃帝始制營衛說文云衛行列衛也圉者大雅召旻

云我居圉卒荒左傳疏引舍人云圉邊陲也詩疏引

舍人云圉拒邊陲也孫炎云圉國之四陲也註左傳

正義

至圉也。隱十一年傳文

昌敵彊應丁當也註書曰禹拜昌言彊者好與物相當

值正義當者相值也昌者說文云昌美言也益稷云汝亦昌言又云師次昌言敵者謂敵體相當也少

儀云敵者曰某固願見又左氏桓八年傳云不當王非敵也是敵為相當也上文云敵匹也廣雅云敵儻

當也彊者左氏昭十年傳云彊於陳鮑氏惠棟補註以為與陳鮑相當也應者周頌賁云我應受之僖十

年傳云應乃懿德丁者大雅雲漢云寧丁我躬劉向九歎云丁時逢殃後漢書岑彭傳與人頌云我喜我

生獨丁斯時丁當雙聲義存乎聲註書曰至昌言正義東晉所上古文大禹謨之辭孔傳昌當也

淳肩搖動蠢迪倣厲作也註淳然興作貌蠢動作公羊

傳曰倣甚也穀梁傳曰始厲樂矣肩見書迪未詳正義

釋言云作為也說文云作起也淳者左氏莊十一年傳云其興也淳焉孟子云則苗淳然興之矣肩者上

文云勝也克也又訓爲作義相成也搖者說文云搖動也月令云以搖養氣左氏昭二十三年傳云乃搖心矣動者樂記云動之以四時蠶者方言云蠶作也考工記云則春以功鄭註春讀爲養蠶作也左氏昭二十四年傳云今王室實蠶蠶焉杜註蠶蠶動授貌迪者微子云詔王子出迪迪訓爲行行卽作也倣者大雅崧高云有倣其城毛傳倣作也厲者臯陶謨云庶明厲翼疏引鄭註云厲作也以衆賢明作輔翼之臣註公羊至見書○正義倣甚也公羊隱九年文始厲樂矣穀梁隱五年文肩見書者盤庚云朕不肩好貨鄭註無考監本作蠶動作也宋本無也字

茲斯咨皆已此也

註

皆已皆方俗異語

正義

經傳多以

之也茲者湯誓云夏德若茲考工記嘉量銘云茲器維則斯者檀弓云情在於斯左氏襄三年傳云使臣斯司馬杜註斯此也咨皆與紫音同文選註引春秋元命包云紫之言此也已者臯陶謨云邇可遠在茲

史記作近可遠在已是已卽茲也**註**告已至異語。
正義魏封孔美碑云咨可謂命世大聖億載之師表
者已以咨爲此也咨與告同戴震曰莊子昔已而爲
知者已而不知其然皆當訓爲此案淮南道應訓已
雖無所除其患害
亦以已爲此也

嗟咨嗟也

註

今河北人云嗟嘆音兔且

正義

廣韻云嗟
長歎也嗟說文

作嗟云咨也釋名云嗟佐也言之不足故嗟歎之咨者堯
此聲以自佐也詩序云言之不足故嗟歎之咨者堯
典云咨四嶽史記作嗟四嶽**註**今河至嗟嘆。**正義**
文選註引爾雅舊註云嗟楚人發語端也郭以河北
人讀嗟音如且各以方俗語爲證也釋文引字林以
嗟爲古嗟字監本作音兔且之且宋本無之且二字
按郭註方言於亟字音爲詐欺躋字音爲濟渡不云
音詐欺之欺濟渡之濟者省文也之且二字係後人
所增今
從宋本

閑狎串貫習也

註

串厭串貫貫快也今俗語皆然

正義玉篇

云習串也閑者鄉射禮註引尚書大傳云閑之者貫之也貫之者習之也大畜九三云日閑與衛釋文引鄭註以為日習車徒仲尼燕居云故戎事閑也狎者左氏襄四年傳云民狎於野串者大雅皇矣云串夷載路毛傳串習也荀子大畧篇惡民之串以無分得也貫者齊風猗嗟云射則貫兮左氏昭二十六年傳云貫潰鬼神說文引作損潰鬼神云損習也又云遺習也釋文作損云本又作貫又作遺同

曩塵佇淹留人也

註

塵垢佇企淹滯皆稽久

正義此釋遲久之義

也曩者左氏定八年傳云曩者之難今又難焉對今而言是為久也塵者大雅桑柔云倉兄填兮毛傳填久也又南有嘉魚鄭箋云烝塵也塵然猶言久如也東山鄭箋云古者聲實填塵同也佇者鄉風燕燕云佇立以泣毛傳佇立久立也淹者左氏成二年傳云無令與師淹於君地儒行云淹之以樂好又通作奄

周頌臣工云奄觀錙艾鄭箋奄久也爾者說文云爾止也常武云不爾不處註塵垢至稽久。正義書疏引孫炎云塵居之久久則生塵矣郭以為塵垢義木孫炎釋言云烝塵也郭亦本孫炎之說以為塵埃皆望文生義也監本作皆稽久也宋本無也字

逮及暨與也

註

公羊傳曰會及暨皆與也逮亦及也

正義

與謂相及也逮者旅六五傳云上逮也及者祭義云夫何神明之及交鄭註及與也暨者說文作泉云泉詞與也虞書曰泉咎註公羊至及也。正義會及暨皆與也隱元年傳文釋言云逮及也

鴈假格陟躋登陞也

註

方言曰魯衛之間曰鴈梁益曰

格禮記曰天王登遐公羊傳曰躋者何陞也

正義陞當作升

薦者洪範云惟天陰鴈下民釋文引馬融云鴈升也升猶舉也假者商頌烈祖云鴈假無言格者呂刑云

庶有格命疏引鄭註格登也登命謂壽考者是也陟者說文云陟登也集韻云陟或作騰古字通用舜典云女陟帝位史記作女登帝位夏小正云魚陟負冰陟升也躋者說文云躋登也商書曰告女顛躋躋通作躋顧命云出賓階躋士虞禮記云躋附爾于皇祖某甫鄭註躋升也又通作齊樂記云地氣上齊鄭註齊讀爲躋升也登者盤庚云乃登進厥民左氏文八年傳云晉侯將登箕鄭父先都註方言至陞也。正義方言云郅各躋登也東齊海岱之間曰躋魯衛曰郅梁益之間曰郅與郭氏所引字句微異禮記曰天王登遐下曲禮文公羊傳曰躋者何升也又二年傳文穀梁傳亦云躋升也

揮盞歇涸竭也

註

月令曰無漉陂池國語曰水涸而成

梁揮振去水亦爲竭歇通語

正義

鄭註禮記云竭盡也揮者考工記晄氏云

清其灰而盞之而揮之是揮與盞皆爲澄而去之也蓋通作漉楚策云漉汁漉地方言云漉極也郭氏彼

註云滲漉極盡也敬者左氏宣十二年傳云憂未歇也杜註敬盡也涸者說文云涸渴也渴盡也淮南主術訓不涸澤而漁高誘註涸澤漉池史記封禪書云秋涸漉索隱引字林云涸竭也廣雅云渴盡涸盡也註月令至為竭。正義月令云仲春之月無竭川澤無漉陂池國語曰水涸而成梁者周語單襄公告王之辭揮振去水亦為竭者左氏僖二十四年傳云既而揮之孔疏云振去匱中之水故曰揮何承天云振去為

拒拭刷清也

註

振訊技拭掃刷皆所以為潔清

正義拒者士喪

禮云乃沐櫛拒用巾浴用巾拒用浴衣鄭註拒踰也清也古文拒皆作振賈疏拒猶拭也拭者聘禮云賈人北面坐拭圭鄭註拭清也大戴禮記夢廟篇雍人拭羊鄭註雜記云拭靜也刷者說文云刷刮也服拭也天官凌人云秋刷後鄭云秋涼冰不用可以消除其室

鴻昏於顯間代也註鴻雁知運代昏主代明明亦代昏

顯卽明也間錯亦相代於義未詳

正義說文云代更也鴻者康誥云乃

洪大誥治鄭本洪作鴻孔疏引鄭註以鴻爲代言周公代成王誥也昏者郊特牲云昏禮不賀人之序也鄭註序猶代也於者孟子萬章篇引逸書云文王于予治于於字通用言汝其代予治之也趙岐註以爲助我治事助與代義相通也顯者左氏昭十三年傳云再會而盟以顯昭明言盟以更著其明也間者書疏引孫炎云間厠之代也益稷云笙鏞以間聘禮云皮馬相間周語云新不間舊韋昭註間代也

饁饌也

註

國語曰其妻饁之

正義

說文云饁餉也詩疏引孫炎云饁野之餉

舍人云饁自家之野也說文云饁餉田也詩曰饁彼南畝餉饌也周人謂餉曰饁小雅甫田云攘其左右鄭箋攘當爲饁以酒食攘其左右從行者註國語至饁之正義音語文又小宗伯饁獸于郊鄭註饁饋也

逕運徙也

註

今江東通言逕徙

正義

說文云逕逕也遷者小

雅伐木云逕于喬木左氏宣十二年傳云逕大國之
跡于鄭杜註逕徙也運者說文云運逕徙也呂氏春
秋論大篇引夏書云天子之德廣運乃神莊子釋
文引向秀云非海不行故曰海運簡文云運徙也

秉拱執也

註

兩手持為拱

正義

執謂持也秉者鄭風溱
洧云方秉簡兮吳語云挾經

秉抱

註

兩手持為拱
也

正義

孟子云拱把之桐梓趙註

拱合兩手也尚書大傳云七
日大拱鄭註兩手握之曰拱

廡熙興也

註

書曰廡績咸熙廡見周官

正義

釋書云興
起也鄭註樂記

云興之言喜也歆也孔疏引爾雅作歆喜興也
日至周官。**正義**廡績咸熙堯典文史記作衆功皆
興廡見周官者春官巾車云飾遣車遂廡之
行之車僕云廡革車鄭註皆以廡為興也

衛蹶假嘉也

註

詩序曰假樂嘉成王也餘未詳

正義上

美也衛通作偉莊子大宗師云偉哉造化高誘註偉哉

秀云偉美也淮南覽冥訓云偉哉造化高誘註偉哉

猶美哉蹶者唐風蟋蟀云良士蹶蹶單舉其文亦為

美詞也假者周頌維天之命云假以溢我說文引作

誠以溢我云誠嘉善也假諛聲之轉**註**詩序至王

也。**正義**大雅云假樂君子中庸引作嘉樂君子

廢稅赦舍也

註

詩曰召伯所稅舍放置

正義舍置也廢

廢置以取其吏鄭註廢猶退也左氏襄二十三年傳

云天之所廢廢又訓為置公羊宣八年傳云廢其無

聲者左氏文二年傳云廢六關是也稅通作說左氏

昭二十一年傳云說甲于公而歸赦者說文云赦置

也舜典云青災肆赦秋官司刺掌三刺三宥三赦之

灋鄭註赦舍也**註**詩曰至所稅。**正義**召南甘棠文

今本作召伯所說毛傳說

舍也釋文云本或作稅

棲遲慙休苦歟歟咽息也註棲遲遊息也苦勞者宜止

息慙見詩歟歟咽皆氣息貌今東齊呼息為咽也正義

鄭註樂記云息猶休止也棲遲者詩疏引舍人云棲遲行步之息小雅北山云或棲遲偃仰陳風衡門云可以棲遲說文作屏遲也慙說文作惓息也大雅民勞云訖可小惓是也衆經音義引舍人云慙臥之息也休者荀子大畧篇君子息焉小人休焉是休即息也苦訓為息於經籍無考歟與喟通說文云喟太息也禮運云喟然而歎廣韻云歟太息也歟者說文云歟臥息也咽者說文引詩曰昆夷咽矣詩疏引某氏曰詩云民之攸斲按毛傳云斲息是咽與斲通也註慙見至咽也。正義慙見詩者召南甘棠云召伯所慙歟歟咽皆氣息貌者郭意以栖遲慙休苦為止息之息歟歟咽為氣息之息也東齊呼息為咽者方言云咽息也東齊曰咽說文亦本方言為義

供峙共具也

註

皆謂備具

正義

具備也供者天官庖人云共祭祀之好羞左氏僖四

年傳云共其資糧屏屨共與供通峙者費誓云峙乃
糗糧大雅崧高云以峙其粢孔疏云預貯米粟謂之
儲峙峙又通作庠周頌臣工云庠乃錢鎛毛傳庠具
也文選註引郭舍人云共具物也侍具事也是舍人
本峙作侍說文云
侍待也儲侍也

惻憐惠愛也

註

惻韓鄭語今江東通呼為憐

正義

說文

今通作愛惻者說文云惻憐也憐愛也憐者趙策云
竊愛憐之以憐為愛古今通語也惠者周語云惠所
以和民也周頌烈文云惠我無疆**註**惻韓鄭語。**正**
義方言云憐憐愛也韓鄭曰憐汝穎之間曰憐郭詒
本方言易憐為惻者古者惻憐音義同
如周原鴈鴈韓詩作周原牒牒是也

娠蠢震慙如騷感訛蹶動也

註

娠猶震也詩曰憂心且

妯無感我帨兮或寢或訛蠶懸騷蹶皆搖動貌

正義說文

云動作也媛者說文云媛女妊身動也春秋傳曰后

緡方媛說文所引左氏哀元年傳文也蠶者說文云

蠶蟲動也鄉飲酒義云春之為蠶蠶蟲至春而動故

尚書大傳以春為動方也上文云蠶作也義相通也

震者序卦傳云震者動也穀梁文九年傳云震動也

懸者小爾雅云而懸曰懸上文云震懸懼也此申釋

其義也如者方言云人不靜曰如齊宋曰如騷者大

雅常武云徐方繹騷騷當作極說文云極動也感者

說文云感動人心也樂記云其感人深訛通作吡王

風兔爰云尚寐無吡蹶者大雅縣云文王蹶厥生鄭

箋云文王動其縣縣民初生之道

正義注媛猶至或訛。年左傳云邑姜方震大叔是有身為震也詩曰憂心

且如者小雅鼓鍾文無感我帨兮者召南野有死麕

文或寢或訛者

小雅無羊文

卷二

三

覆察副審也

註

覆按察視副長皆所為審諦

正義說文云案悉也

知案諦也篆文作審覆者孫子云必覆索之漢書盧

綰傳云上乃令人覆按是也察者說文云察覆審也

秋官鄉士云察其辭鄭註察審也禮器云五獻察鄭

註察明也故釋訓以明明為察也賈誼書耳痺篇其

視察言視之審也副者匡繆正俗云副貳之字副字

本為副字從衣副聲書史假借遂以副字代之案福

與覆聲相近

故訓為審也

契滅殄絕也

註

今江東呼刻斷物為契斷

正義釋名云

截也契者說文云契刻也左氏定九年傳云盡借邑

人之車鑊其軸荀子勸學篇鑊而舍之鑊契與契通

故釋名云契絕也滅者夏官大司馬云外內亂鳥獸

行則滅之殄者益稷云川殄厥世史記作川絕其世

註今江至契斷。**正義**淮南齊俗訓越人契臂

高誘以為刻臂呼刻斷物為契斷今俗語猶然

郡臻仍廼侯乃也

註

廼乃餘未詳

正義

古者乃仍二字通用郡通作審

小雅正月云又審陰雨鄭箋審仍也臻者易釋文引京房易云水臻至臻亦仍也故廣雅云仍再也郡臻二字俱從仍取義也仍者奉官司凡疑云因事仍几後鄭云故書仍爲乃先鄭云乃讀爲仍是仍乃二字相通也廼者大雅公劉云廼賜廼疆侯者小雅四月云侯栗侯梅

迪繇訓道也

註

義皆見詩書

正義

釋名云道導也所以通導萬物也說文云廼道

也方言云裕猷道也東齊曰裕亦曰猷猷與繇通地官之屬有土訓誦訓各道其土地之事也**註**義皆見詩書。**正義**見詩者大雅桑柔云弗求弗迪小雅巧言云秩秩大猷漢書註引作大繇周頌烈文云四方其訓之見書者益稷云迪朕德史記作道吾德君夷云告君乃猷裕我酒誥云聰聽祖考之藝訓

僉咸胥皆也

註

東齊曰胥見方言

正義

說文云皆俱詞也僉者堯典云皆俱曰

於鯀哉史記作皆曰鯀可咸者士冠禮云咸加爾服
魯語云小賜不咸韋昭註咸徧也胥者盤庚云不能
胥匡以生註東齊至方言。正義方言云僉
胥皆也自山而東五國之郊曰僉東齊曰胥

育孟耆艾正伯長也

註

育養亦爲長正伯皆官長

正義

相長也育者說文引書云教育子鄭註大司樂亦引
作育子今本舜典作教胄子釋文引馬融云胄長也
孟者康誥云王若曰孟侯耆者曲禮云六十曰耆說
文云耆老也釋名云六十曰耆耆指也不從力役指
事使人也艾者曲禮云五十曰艾方言云東齊魯衛
之間凡尊老謂之俊或謂之艾釋名云五十曰艾艾
治也治事能斷割芟刈無所疑也正者大雅皇矣云
其正不獲伯耆者穀梁隱二年傳云紀子伯莒子而與
之盟范甯註紀子以莒子爲伯而與之盟伯長也註
育養至官長。正義下文云育養也鄭風谷風云既
生既育鄭箋云育謂長也正伯皆官長者衆經音義
引舍人云伯位之長也天官之屬有官正官伯鄭註

正長也伯長也王制云卒有正州有伯逸周書大衆解云立正長以蒐功

艾歷也

註

長者多更歷

正義

周頌訪落云朕未有艾孔疏以艾爲歷也

歷秭算數也

註

歷歷數也今以十億爲秭論語云何足

算也

正義

說文云數計也歷者堯典云歷象日月星辰史記作數法日月星辰秭者周頌豐年云萬

億及秭算者少年饋食禮云爵無算鄭註算數也律

歷志引逸書云先其算命算與撰選義通鄭氏易云

若夫雜物算德註云算數也盤庚云世選爾勞釋文

云選卽算也後漢書註引詩云威儀棣棣不可算也

註

今以至算也

正義

說文云數億至萬曰秭徐岳

數術記遺云黃帝爲法數有十等十等者億兆京垓

秭壤谿澗正載也廣韻引風俗通云千生萬萬生億

億生兆兆生京京生垓垓生秭秭生壤壤生谿谿生

澗澗生正正生載載地不能載也郭云今以十億爲

秭者據時驗也論語云何足算也憲問篇文鄭註算

數也

歷傳也

註傳近

正義說文云傳相也

歷相也

註傳近

正義小爾雅云傳

為傳猶下文

也

也

近也楚詞遠遊云歷太皞以右轉今以歷為近也左氏傳二十三年傳云晉而傳焉

艾歷覩胥相也

註

覩謂相視也公羊傳曰胥盟者何相

盟也艾歷未詳

正義

上文云相視也此又推言其義

之轉也郊特牲云簡其車徒而歷其卒伍歷為相闕

也覩者說文云覩義視也周語云古者太史順時視

上韋昭註覩視也覩即相也胥者大雅縣云聿來胥

字新序作聿來相字賈誼書禮篇引詩云君子樂胥

胥者相也**註**覩謂至盟也**正義**文選註引爾雅云

脉相視也郭註云脉脉謂相視貌也與今木字句皆

異春秋桓三年齊侯衛侯胥命于蒲公羊傳云胥命

者何相命也郭氏引作相盟疑傳寫之訛穀梁傳云

者何相命也郭氏引作相盟疑傳寫之訛穀梁傳云

胥之爲言
猶相也

又亂靖神弗湫治也

註

論語曰子有亂臣十人湫書序

作汨音同耳神未詳餘見詩書

正義釋名云治值也物皆值其所也又者

治也弘字相亂受治之也書疏引舍人云亂義之治

也靖者周語云自后稷之如基靖民神者小雅信南

如維禹敷之之敝韓詩句作敝古者句陳聲同陳又

轉爲神其義同也說文云敝理也理卽爲治亦以聲

曲禮云進几杖者拂之言整治之也湫者文選註引

倉頡篇云湫水通貌湫通作屈詩疏引某氏云詩曰

義也

註

論語至詩書

正義

論語曰子有亂臣十人

秦伯篇文盤庚云茲余有亂政顧命云其能而亂四方皆言治也涵書序作汨者書序云帝釐下土方設居方別生分類作汨作案說文云汨治水也周語云決汨九川又云汨越九原韋註以汨為通也餘見詩書者堯典云有能俾乂史記作有能使治者周頌烈文云日靖四方大雅生民云弗厥豐草弗弗音義同

頤艾育養也

註

汝頤梁宋之間曰艾方言云

正義

皆言

者序卦傳云頤者養也說文云養供養也艾者小雅鴛鴦云福祿艾之艾通作乂益稷云萬邦作乂詩疏引鄭註云乂養也育者周頌思文云帝命率育育通作鬻南風鸛鳴云鬻子之閔斯又省作粥夏小正云粥也者養也秋官修閭氏云與其國粥鄭註粥養也**註**汝頤至言云**正義**方言云胎養也汝頤梁宋之間曰胎或曰艾

沃渾隕墜也

註

沃渾皆水落貌

正義

上文云墜落也此又廣其義也沃當作沃

說文云決淅滴也高誘淮南註云渾轉行貌郭以爲皆水落之貌也隕落也已見上文

際接熨捷也

註

捷謂相接續也

正義

捷速也又訓爲接

雅云際接也左氏昭四年傳云爾水際孟子萬章篇取問交際何心也趙岐註際接也淮南本經訓上際青雲高誘註際接也又通作際小雅苑柳云無白際焉鄭箋際接也接者曾子問云接祭而已矣內則云接以太牢鄭註接讀爲捷捷勝也又鄭註易晉卦亦云接勝也荀子大略篇先事慮事謂之接楊倞註接讀爲捷捷速也熨者說文云熨搯也飛之疾也

苾神溢慎也

註

神未詳餘見詩書

正義

上文云慎誠也苾者說文云苾慎也

周書口無苾于邱神者魯頌云闕宮有恤鄭箋闕神也又說文云秘神也闕秘苾音義同是神卽苾也溢者詩疏引舍人云溢行之慎也**註**見詩書○**正義**大詩云天闕遠我成功所大雅桑柔云爲謀爲苾詩疏

引某氏曰詩云
假以溢我慎也

鬱陶繇喜也

註

孟子曰鬱陶思君禮記曰人喜則斯陶

陶斯詠詠斯猶猶即繇也古今字耳

正義

上文云喜樂也鬱陶者方

言云鬱悠思也晉宋衛魯之間謂之鬱悠郭氏彼註

也繇通作猶大戴禮記文王官人云喜色猶然以出

註孟子至斯猶也禮記曰人喜則斯陶陶斯詠詠斯猶者檀弓文

馘齊獲也

註

今以獲賊耳為馘獲禾為齊竝見詩

正義

之獲敗獲之獲俱通作獲此合而釋之也漢書引今

文武成云乃以庶國祀馘於周廟說文云齊獲刈也

註今以至見詩也**正義**今以獲賊耳為馘者毛傳云

不服者殺而獻其左耳曰馘獲禾為齊者逸周書大

開武解云既秋而不獲維禽其饗之是獲與獲通孔
穎達以穡為禾之鋪而未束者也並見詩者大雅皇
矣云攸馘安安魯頌泮水云在泮
馘馘小雅大田云此有不斂穡

阻艱難也註

皆險難正義釋各云難憚也人所忌憚也
阻者說文云阻險也秦風蒹葭云

道阻且長艱說文作艱云土難治也釋名
云艱根也如物根也士喪禮云無有後艱

剡矧利也註

詩曰以我剡矧正義說文云剡銳利也繫
傳云周易剡木為矢禮大

圭剡上削令上銳也案橋頌云曾枝剡棘王逸註剡
利也矧說文作矧云刀劍刃也籀文作矧通作畧周

頌載芟云有畧其耜匡繆正俗云問曰俗於礪山出
刀子謂之略刃有舊義否答曰按爾雅云剡略利也

張揖古今字詁云古作矧註詩曰至剡耜未知孰是此則
礪刀使利故稱略刃耳正義今小

雅大田篇作以我覃耜註詩曰至剡耜未知孰是此則
汎論訓古者剡耜而耕高誘註剡利也

允任王佞也**註**書曰而難任人允信者佞人似信王猶

任也

正義說文云佞巧調高材也允訓為信又訓為佞者逸周書寶典解云展允于信是允為不信

反覆相訓也任者書疏引孫炎云似可任之佞也王

者臯陶謨云何畏乎巧言令色孔王史記作何畏乎

巧言善色佞人**註**書曰至任也**正義**舜典云而難

任人史記作遠佞人王猶任者古者王任字通用賓

之初筵鄭箋

云王任也

佞拚抨使也**註**皆謂使令見詩佞拚抨使從也**註**四者

又為隨從

正義說文云使伶也伶與令通秦風寺人

隨行也使令隨行其義相通故連釋之也。佞拚抨

使也。佞者堯典云有能佞又史記作有能使治者

立政云乃佞我有夏拚通作拚班固典引云將拚萬

物項皆註拚使也拚通作拚洛誥云拚來以圖。佞

并并使從也。使令之義即為隨從申釋其義也并
或省作井說文云井相從也。**正義**周頌載
見云俾緝熙于純嘏大雅桑柔云井云不遠毛傳井
使也釋文云本或作井又周頌小毖云莫予井蜂釋
訓云粵斧挈曳也案說文云勸使也律使也疑井蜂
當作律律詩言莫為予任使者訓為挈曳猶言左右
相使於義亦通說文又
云俾使也昔聲之轉也

僕仍因也

註

皆謂因緣

正義

說文云因就也僕通作僕

融云襄因也又通作僕費誓云無敢寇攘疏引鄭註
云因其亡失曰攘釋文云樊孫引論語其父攘羊釋
之作攘註云因來而盜曰攘仍者顧命四言
仍几明堂位云爵用玉牋仍雕鄭註仍因也

董督正也

註

皆謂御正

正義

謂理正也左氏文七年傳

云董通逃督者春官太祝禁督逆
祀命者僖十三年傳云諸將不忘

享孝也

註

享祀孝道

正義

享說文作𡔁从高省日象進孰物形孝經曰祭則鬼𡔁之論語

云致孝乎鬼神史記集解引馬融註云祭祀豐潔

珍享獻也

註

珍物宜獻穀梁傳曰諸侯不享覲

正義

文選註引

禮為舍人云獻珍物曰珍獻食物曰享案聘禮云受享束帛加璧秋官大行人云將幣三享是享不專指食物而言故荀子大畧篇云享獻也彊國篇云君享其成羣臣享其功楊倞註謂受其獻也

註穀梁至享

觀。五年傳文

縱縮亂也

註

縱放掣縮皆亂法也

正義

縱者放恣也小雅民勞云無縱詭隨

縮者說文云縮亂也是本爾雅為義楚語云縮于財用則置

探簒俘取也

註

書曰俘厥寶玉簒者奪取也探者摸取

也

正義

探者說文云揆遠取也繫辭傳云探賈索隱

穀梁隱元年傳云已探先君之邪志纂者方言云

自關而西秦晉之間凡取物而逆謂之纂說文云

而奪取曰纂淮南子論訓云相與纂之法言云鴻飛

冥冥弋者何纂焉宋衷曰纂取也今人計數取物為

纂俘者說文云俘軍所獲也左氏僖二十二年傳云

示之俘馘疏引李巡云囚敵曰俘伐執之曰取俘本

又作俘說文云俘引取也謙象傳云君子以俘多益

寡虞翻曰俘取也**正義**書序云夏

師敗績湯遂從之遂代三股俘厥寶玉纂為奪取者

後漢書註引郭璞註爾雅曰掠奪取也是纂本或作

掠探為摸取者列子天瑞篇手目所及亡不探也

徂在存也

註

以徂為存猶以亂為治以曩為鼎以故為

今此皆詁訓義有反覆旁通美惡不嫌同名

正義徂

鄭風出其東門云匪我思且鄭箋云猶匪我思存也

釋文引爾雅徂存也在者聘禮記云子以君命在寡

君左氏僖九年傳云其在亂乎杜註在存也曾子立
事篇存往者在來者盧辨註在猶存也註以徂至同
名。**正義**上文云徂往也此又訓為存郭氏以為義
有反覆旁通也以亂為治以故為今見上文以曩為
覩見釋言郭氏舉以為例凡經傳中反覆相訓者
可以類推美惡不嫌同名者公羊隱七年傳文

在存省士察也註書曰在璿璣玉衡士師官亦主聽察

存卽在

正義上文云察審也在者書疏引舍人云在
見物之察也文王世子云必在視寒暖之節

鄭註在察也存者禮運云處其所存大傳云五日存

受鄭註俱云存察也省者左氏哀十六年傳云鄭人

省之禮器云禮不可不省也士通作仕小雅節南山

云弗問弗仕鄭箋仕察也註書曰至聽察。**正義**在

璿璣玉衡舜典文士師官亦主聽察者舜典云女作

士疏引鄭註云士察也主察獄訟之事秋官之屬有

士師鄭註

與書註同

烈栱餘也

註

晉衛之間曰櫟陳鄭之間曰烈

正義

烈者

雅雲漢詩序云宣王承厲王之烈鄭箋烈餘也通作

烈廣雅云烈餘也栱者書疏引李巡云栱檣木之餘

也漢書敘傳註引詩云苞有三栱劉德云謂木斫髡

而復栱生也今毛詩本栱作藥盤庚云若頤木之有

由藥說文作櫟云伐木餘也又轉作肆周南汝墳云

伐其條肆毛傳肆餘也斬而復生日肆**註**晉衛至曰

烈○**正義**方言云烈栱餘也陳鄭之間曰栱晉衛之

間曰烈秦晉之間曰肆或曰烈郭註據方言為義與

今本

互異

訝迎也

註

公羊傳曰跋者迂跋者也

正義

說文云訝相迂

訝也訝或作迂案秋官掌訝云凡賓客諸侯有卿訝

卿有大夫訝大夫有士訝士皆有訝又鄭註訝士云

訝迎也士官主迎四方賓客聘禮云迂賓于館鄭註

以君命迎賓謂之訝盤庚云子迂續乃命于天左氏

成十三年傳云逐晉侯于新楚討逐經傳通用逐又
通作御召南鵠巢云百兩御之鄭箋御迎也又通作
輅左氏宣二年傳云狂狡輅鄭人杜註輅逐也註公
羊至跋者正義公羊成二年傳云使跋者逐跋者
使跋者逐跋者何休
註逐迎卿主迎者也

元良首也

註

左傳曰狄人歸先軫之元良未聞

正義

高誘呂覽

註云首上也元者士冠禮云始加元服鄭註元首也
魯頌閟宮云建爾元子毛傳元首也良者小雅六月
毛傳云元戎先良也是以良為元也左氏昭元年傳
云良醫也猶周禮所云上醫也又少儀所謂良綏鄭
註以為君綏君即上也註左傳至之元正義傳三
十二年傳文又哀十一年傳云公使太史固歸國子
之元孟子滕文篇勇士不忘喪其元皆以元
為頭也書疏引釋詁云元首首也與郭本異

薦摯臻也

註

薦進也摯至也故皆為臻臻至也

正義

上文云臻

至也又臻與仍義同亦見上文薦者坎象傳云水至釋文引干寶本作水薦至京房本作水臻至是也摯者說文云發至也周書曰大命不殁今西伯戡黎篇作大命不摯史記作不至大宗伯云以禽作六摯後鄭註摯之言至也

賡揚續也

註

書曰乃賡載歌揚未詳

正義

說文云續連也古文从庚其是

賡卽續字也又通作庚小雅大東云西有長庚書疏引作西有長庚毛傳以賡爲續也揚者益稷云皐陶拜手稽首臚言史記作皐陶拜手稽首揚言是臚卽揚也曾子立事篇身言之後人揚之

正義

益稷文史記作乃更爲歌更亦續也

祔祫祖也

註

祔付也付新死者於祖廟祫毀廟主

正義

云祖始廟也又云祔後死者合食于先祖也釋名云又祭曰祔祭於祖廟以後死孫祔於祖也士虞禮記

云將旦而耐則薦喪服小記云耐必以禭昭穆禭者說文云禭耐禭祖也**註**耐付至廟主。**正義**耐付以聲為義上文云境毀也境禭聲同故以為毀廟主也說文繫傳引郭璞曰禭毀也耐新廟毀舊廟也與今

異本

即尼也**註**即猶今也尼者近也尸子曰悅尼而來遠尼

定也**註**尼者止也止亦定**正義**即訓為尼尼與昵同

昵為近也衛風氓云來即我謀左氏成十三年傳云即楚謀我皆言近就也尼又為定者上文云尼定止也是尼定二字訓同舊疏引舍人云尼者私之定也**註**即猶至來遠。**正義**書疏引孫炎云即猶今也尼

者近也郭註本孫炎書釋文引尸子云不避遠昵

適幾暱近也**註**暱親近也**正義**說文云近附也適者臯陶謨云適可遠在茲適省作

爾少牢饋食禮云佐食爾上敦黍于筵上鄭註爾近也幾者左氏襄二十一年傳云楚不幾十年曜者說文云曜日近也曜或作昵昵閏元年傳云諸夏親曜疏引舍人云曜戚之近也正義曜親近也。孫炎云昵親近也文選註引爾雅昵近也孫炎云親之近也郭註本孫炎

安坐也

註

禮記曰妥而后傳命

正義

上文云安安止也此釋妥為安坐義

相承也釋名云坐挫也骨節挂屈也古者坐為危坐故釋名又云跪危也兩膝隱地體危隍也妥則為安坐大射儀命賓諸公卿大夫公目以我安賓諸公卿大夫皆對曰諾敢不安又云公以賓及卿大夫皆作乃安是使之安坐也士虞禮云主人及親拜安尸特牲饋食禮云主人拜安尸少牢饋食禮云主人皆拜安尸安尸之禮卽楚茨所謂以妥以侑也正義禮記至傳命。**正義**士相見禮云凡言非對也妥而後傳言鄭註妥安坐也傳言猶出言也此作禮記曰妥而後傳命舊疏以為傳寫誤也或所見本異

絡縮綸也

註

綸者繩也謂牽縛縮絡之今俗語亦然

正義

釋名云綸理也作之有倫理也絡為方俗語縮者周

語云縮取備物韋昭註縮引也**註**謂牽至亦然**正義**

義淮南傲真訓云以摸蘓率連物之微眇高誘註摸

蘇猶摸索是絡轉為摸縮轉為蘇皆言連引之勢郭

引俗語又因

摸蘇而轉

貉嘆安定也

註

皆靜定見詩

正義

上文云貉靜也又訓為定義相承也貉通作莫

釋文云嘆本亦作莫左氏昭二十八年傳云德正應

和曰莫杜註云莫然清靜安者繫辭傳云君子安其

身而後動**註**見詩**正義**大雅皇矣云貉其德音釋

文引韓詩作莫其德音云莫定也皇矣又云求民之

莫鄭箋求民之定謂所歸就

也商頌殷武云寢成孔安

伊維也

註

發語辭伊維侯也

註

詩曰侯誰在矣互相訓

正義此皆屬辭之間字也解六五云君子維有解孔

疏維辭也士冠禮云嘉薦伊脯鄭註伊維也賈疏云

助句辭非為義也伊又通作緊左氏隱元年傳云緊

我獨無伊維又為侯者大雅下武云應侯順德註發

語辭。**正義**小雅小旻云伊于胡底大雅皇矣云維

此王季皆發語辭。詩曰至在矣。**正義**小雅六月

文又大雅文王孫子

時寔是也註公羊傳曰寔來者何是來也**正義**時者湯

喪史記作是日何時喪無逸云時舊勞于外中論引

作是舊勞於外考工記嘉量銘云時文思索鄭註時

是也寔者大雅韓奕云實墉實壑鄭箋云實當作寔

趙魏之東實寔同聲寔是也秦誓云是能容之大學

作實能容之周策云是攻用兵高誘註是實也寔通

作實古者寔是二字同用詛楚文云是戮力同心以

是為寔也註公羊至來也。**正義**春秋桓六年春正

月寔來公羊傳云寔來者何猶曰是人來也穀梁傳

云寔來者
是來也

卒猷假輟已也

註

猷假未詳

正義

鄭註禮記云已止也

鄭註卒已也左氏襄十九年傳云其為未卒事於齊故也乎眾經音義引李巡云卒事之已也猷者春秋宣八年壬午猶釋公羊傳云猶者通可以已也又春秋文六年壬午猶告于廟穀梁傳云猶之為言可以已也猶猷古通用假者曲禮云天王登假鄭註假已也木或作瑕大雅思齊云烈假不瑕鄭箋瑕已也孔疏以為釋詁文輟者曲禮云輟朝而顧

求偁枉卒就終也

註

詩曰嗣先公爾偁矣成就亦終也

其餘未詳

正義

釋名云終盡也求者地官牛人云共

文王有聲云適求厥寧舊疏引下武云世德作求鄭箋求終也西與求聲相近在者左氏昭十二年傳云

將何以在哀二十七年傳云多陵人者皆不在皆以
在為終也卒者小雅夢我云我獨不卒鄭箋卒終也
昭二十四年傳云凡待其卒衆經音義引孫炎云卒
病之終也就者史記楚世家云韓宣子問叔向曰子
北其濟乎對曰不就宣子曰何為不就以就為終也
註詩曰至首矣。**正義**大雅卷阿文今本嗣作似也
傳似嗣也
首終也

崩薨無祿卒殂落殯死也**註**古者死亡尊卑同稱耳故

尚書堯曰殂落舜曰陟方乃死**正義**說文云死漸也
人所離也釋名云死

人始氣絕曰死死漸也就消漸也大戴禮記四代篇
云天子死曰崩諸侯曰薨大夫曰不祿庶人曰死鄭
註曲禮云異死名者為人褻其無知者若猶不同然
也自下顛壞曰崩薨顛壞之聲卒終也不祿不終其
祿死之言漸也精神漸盡也白虎通義云天子稱崩
何別尊卑異生死也天子曰崩大尊像崩之為言憊

然伏偃天下撫擊失神明黎庶流涕海內悲涼諸侯
曰薨國失陽薨之言奄也奄然已也大夫曰卒精耀
終也卒之爲言終於國也士曰死魂魄去亡死之言漸
之言消也身消名彰庶人曰死魂魄去亡死之言漸
精氣窮也釋名云天子曰崩崩壞之形也崩礫聲也
諸侯曰薨薨壞之聲也士曰不祿不復食祿也大夫
曰卒言卒竟也徂落徂落也福社殞落也徂亦往也
言往去落也殯翳也就隱翳也註古者至乃死○
義郭以爲古者尊卑同稱然經傳皆以崩薨爲尊稱
穀梁隱三年傳云高曰崩厚曰崩尊曰崩天子之崩
以尊也後世唯不祿與卒有互稱者通典引石渠禮
議云問人通漢問云記曰君赴於佗國之君曰不祿
夫人曰寡小君不祿大夫士或言卒死皆不能明載
聖對曰君死不祿言卒何也聖又曰夫尸者所以象
之上服士曰不祿言卒何也聖又曰夫尸者所以象
神也其言卒而不言不祿者通貴賤尸之義也通漢
對曰尸象神也故服其服士曰不祿諱辭也孝子諱
死曰卒案曲禮云壽考曰卒短折曰不祿鄭註祿謂

有德行任爲大夫士而不爲者老而死從大夫之稱
少而死從士之稱是不祿與卒非大夫士之定稱也
郭引堯曰祖落舜曰陟方乃死者據舜典之文書疏
引李巡云祖落堯死之稱說文云祖往死也白虎通
義云書言祖落死者各自見義
堯見惜痛之舜見終各一也

爾雅正義卷第二